



V CERTAME LITERARIO X.C. GÓMEZ ALFARO “HOMES E MULLERES DO MAR”

A Organización de Produtores Palangreiros Guardeses (ORPAGU), en colaboración coa Editorial Galaxia, con desexo de promocionar a literatura galega e iniciar aos mais cativos no mundo literario, convoca a quinta edición do certame literario X. C. Gómez Alfaro “HOMES E MULLERES DO MAR”.

Este premio poderá ser alcanzado por todos os autores e autoras cun relato curto escrito en lingua galega concorde coa idade, tema e valores sinaladas nas bases do concurso excepto as persoas gañadoras de edicións anteriores.

IDADE

- De 10 a 12 anos.

TEMA

- “Homes e mulleres do mar”

PARTICIPANTES

- Nenos e nenas de 10 a 12 anos de toda Galicia.
- A persoa premiada non poderá participar na edición consecutiva.

MODALIDADE E CATEGORÍAS DOS RELATOS

- Unha única modalidade na que inclúa o idioma galego.
- Cada participante só pode presentar un escrito.
- Os traballos presentados terán unha extensión mínima de dous folios e máxima de seis.
- Formato de texto, arial 11 a dobre espazo e por unha soa cara.
- Deberán ser orixinais e inéditos, polo que non se terán en conta aqueles que xa fosen presentados e premiados en outros concursos.
- Os traballos presentados deberán ser de ficción, polo que o xurado non admitirá ensaios ou redaccións sobre o tema proposto.

ENTREGA DOS RELATOS

- Os relatos en formato papel presentaranse na oficina da Organización de Palangreiros Guardeses (OR.PA.GU.) na dirección calle Manuel Álvarez, 16 (baixo), C.P.36780 A Guarda (Pontevedra) en horario de 09.00 h a 14.00 horas de luns a venres.



- Os relatos entregaranse en formato papel dentro dun sobre cerrado, POR TRIPLICADO e sen asinar.
- Axuntarase outro sobre cerrado que conterá no seu interior o nome e apelidos, idade, dirección, correo electrónico e teléfono do autor.
- No exterior de ambos sobres deberá constar a referencia do concurso “Homes e mulleres do Mar” e título da obra.

PRAZO DE ADMISIÓN

- Dende o 01 de abril ata o 30 de abril.

PREMIOS

- Unha tablet, un galardón e un lote de libros da Editorial Galaxia.
- A entrega do premio será nun acto que se celebrará o día 04 de xuño na sede da Organización.

XURADO

Teremos o privilexio de contar cos seguintes escritores, que valorarán a orixinalidade que propoñan os relatos presentados, así como un estilo e calidade narrativa.

Claudia Castro: Naceu no barrio compostelán O Castiñeiriño. Licenciouse en Xornalismo e Filoloxía Inglesa pola USC e diplomouse en Socioloxía pola UNED. Leva traballando no eido da comunicación dende 1995. Na actualidade vive coa súa familia (Toño, Darío, Xulia e o gato Pepe) en Penelas, unha fermosa aldea do concello de Teo con vistas ao Pico Sacro. Boa parte do seu tempo transcorre en Corme, na costa da Morte, territorio de fonda pegada nos seus poemas. Acadou varios recoñecementos literarios pola súa obra en verso, entre eles o Duck Fin, o María Mariño e o Xosé Manuel López Ardeiro. Conta con varios libros de poesía individuais e colectivos, e en 2018 saíu do prelo o seu primeiro libro de poesía para a cativada, “Galicia, o país das marabillas”, da man da Editorial Galaxia. Para Claudia, a poesía é unha maneira de entender a vida.

Paula Carballeira: Nacida en Maniños (Fene. A Coruña), aínda que despois de licenciarse en Filoloxía na Universidade de Compostela, quedou a vivir nesas terras. Narradora oral profesional desde 1994, actriz e escritora. Tivo a sorte de ser convidada aos principais festivais de narración oral nacionais e internacionais (Portugal, Polonia, Francia, Cabo Verde, Colombia, Perú, Ecuador, México, Costa Rica...). Ademais, mantén actividades regulares en bibliotecas e centros de ensino. Como actriz, é membro da compañía Berrobambán e participou en varias series e programas da Televisión de Galicia. Como directora de teatro, levou adiante producións infantís tanto na súa compañía como no Centro Dramático Galego ou noutras compañías. Como autora, ten máis de trinta títulos publicados, tanto de narrativa, como de poesía ou teatro, moitos deles



traducidos a varias linguas: portugués, inglés, italiano, coreano, catalán, éuscaro..., algúns deles premiados e a maioría pensados tamén para a infancia e a xuventude.

Diego Giráldez: Nacido en O Porriño. Exerceu o xornalismo en distintos medios escritos e dixitais. Ademais de coordinar varias cabeceiras, colaborou como columnista de opinión nos xornais A Nosa Terra ou Xornal de Galicia e, a través de reportaxes culturais, con El País.

Na actualidade, colabora no diario dixital Praza Pública e a revista Luzes. Fundou e dirixiu as revistas Malladoura e CanZine e ten escrito diversos libros relacionados coa arquitectura e a historia económica de Galicia.

En 2016, publicou “Galería de saldos”, o seu primeiro traballo literario de narrativa, da man da editorial Xerais. Este libro de relatos curtos, valeulle o aplauso unánime de crítica e público, sendo elixido “Autor galego do ano” pola revista Fervenzas Literarias. En 2019, publica con Galaxia a súa novela “Hotel para coleccionistas discretos” e colabora cos seus relatos en varias obras colectivas, da man da mesma editorial (O libro dos trens, A secreta melancolía da garza).

En 2010, recibiu o Premio Literario “José Saramago” de relato curto; en 2015, fíxose co primeiro accésit do Certámen Nacional de Narracións Breves “Modesto R. Figueiredo” e un ano despois gañaba o premio literario “Manuel Murguía. En 2020 quedou finalista do XVII Premio de Xornalismo “Francisco Fernández del Riego”.

FALLO

- Será publicado o día 16 de Maio do 2022, nas páxinas web:
 - Organización de Palangreiros Guardeses (<http://www.orpagu.com>).
 - ORPAGU EDUCATIVO (<https://www.orpagueducativo.com/certame-literario/>)

OBSERVACIÓNS

- Para calquera consulta sobre o concurso ou as súas bases, pode dirixirse a seguinte dirección de correo electrónico: concursorelatosorpagu@gmail.com
- A Organización reservase os dereitos de reprodución gratuíta dos relatos presentados, citando sempre o nome e apelidos do autor ou autora.
- As obras serán validadas pola organización do concurso, reservándose o dereito de non facer públicas aquelas obras que se consideren non adecuadas ao espírito do concurso por diversos motivos, como pode ser por contido ofensivo.
- As obras non premiadas serán arquivadas ou destruídas pola Organización, garantindo así que non se fará ningún uso indebido do seu contido. Se o autor/a o indicase expresamente no momento da inscrición, devolverase a súa copia.
- O feito de participar supón a total aceptación das presentes bases, así como a decisión do xurado.



- A Organización queda facultada para resolver calquera continxencia non prevista nas bases.
- A Organización de Palangreiros Guardeses, en cumprimento da Lei Orgánica 15/1999, do 13 de Decembro, de Protección de Datos de Carácter Persoal, informa que os datos persoais que Vd. nos proporciona, serán engadidos no ficheiro CERTAME LITERARIO X.C. GÓMEZ ALFARO“HOMES E MULLERES DO MAR”
- O certame literario X.C. GÓMEZ ALFARO“HOMES E MULLERES DO MAR”, titularidade de esta entidade, ten como finalidade e xestionar, difundir e fomentar o interese cultural e social organizado por ORPAGU no ámbito das súas competencias.
- Se o desexan, poden exercitar os dereitos de acceso, rectificación, cancelación e oposición dirixíndose á oficina de Orpagu en A Guarda, calle Manuel Álvarez, número 16 – baixo.

